



Universitätsbibliothek Paderborn

**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

Limpens, Ferdinand

Coloniæ Agrippinæ, 1744

Punctum Quartum, Quintum & Decimum. Circa constitutiones, regulas,
institutum, zelum animarum.

[urn:nbn:de:hbz:466:1-54750](#)

maneant in loco , in quo consident , desides , & serpentem quasi in sinu foveant , sed contranitantur , alium locum , aliam occupationem quærant , inter quæ & est alloquium cum Patre aut Viro spirituali , utcunque omnes homines iis in æstu isto invisi sint & appareant , uno verbo facienti , quod in se est , Deus certè non deerit . Hoc infinitè potens , fidelis , misericors tibi promisit , qui tanquam infinitè verus ac verax dixit : *Cælum & terra transibunt , verba autem mea non transibunt.* Vide plura in reflexione præcedente de melancolicis . Demum ex quacunque demum passione , affectione oriatur tentatio , candidè aperire debes Provinciæ Præsidi , ad quos affectus vel peccata sis magis propensus , ut is ideo de loco , officio , aliisque tibi in bonum tuum providere possit .

PUNCTUM QUARTUM , QUINTUM & DECIMUM .

Circa constitutiones , regulas , institutum , zelum animarum .

HÆc vocabula , *Institutum , Constitutiones , Regulae* , bene intelligenda sunt . *1mo* , *Institutum* est terminus complectens reliqua , scilicet *constitutiones , regulas summarii , & modestiæ communes , item Decreta Congreg. Generalium , ordinationes , instructiones PP. Generalium , & Regulas particulares officiorum in Societate , quæ omnes ad finem vocationis nostræ in majorem scilicet Dei gloriam , salu-*

salutem ac perfectionem propriam & proximo-
rum collimant.

2dō, *Constitutiones* continent illa, quæ S. P.
Noster in Examine, ut vocat, generali (quod
maximè concernit admittendos ad Societatem)
& decem partibus *Constitutionum* (quæ con-
cernunt admissos & viventes in Societate) con-
scripsit.

3tio, Est differentia inter *regulam* & *regulas*
Societatis. *Regula Societatis* antonomastice seu
specificè illa est, quæ continet fundamentales
leges ac substantialia, per quæ etiam *Societas*
specie distinguitur ab aliis Ordinibus, & con-
sistit in punctis Paulo III. breviūs, & Julio III.
fusiūs oblatis; de quibus Paulus III. dixit: *Di-*
gitus DEI est hic. Cong. V. Generalis Dec. 58.
statuit adhuc plura, præter contenta in formu-
la Julio III. oblata, habenda esse pro substantiali-
bus, & addidit alia quinque. V. de his etiam
Cong. VII. D. 40. & parte tertia Hist. Societ. L.
3. à n. 27. Porrò certum est, quod *Regula*
Societatis specie nos distinguens ab aliis Ordini-
bus religiosis complectatur diversitatem gra-
duum, votorum formam regendi, facultatem
dimittendi, &c.

Summarium Constitutionum, sive regulæ ex
iis excerptæ, quæ ad spiritualem nostrorum in-
stitutionem pertinent, & ab omnibus obser-
vandæ sunt, vocantur *Regula generales*, juxta
Dec. 76. Cong. 2. &c., cùm perfectionem ho-
minis è Societate spectent, cadunt maximè sub
curam *Praefecti Spiritus*, & Superioris Domus
vel

vel Collegii, qui quoad regimen internum (hoc est, ut penitus noscat subditorum genios, corda eorum ad se attrahat. & in genuina profectione instruat) debet excellere; & quia non omnes æqualem à Deo gratiam habent in gradibus perfectionis adipiscendis, sed generatim omnes pro mensura gratiarum sibi data ad perfectionem niti debent, hinc *Generales* vocantur, non *communes*; quasi sit æqualitas quoad omnes in earum observatione tenenda.

Præter *Regulas generales*, sive ex summario Constitutionum extractas S. P. N. scripsit, *Regulas modestias*, quæ mores & exteriorem corporis ac gestuum compositionem concernunt, & quia inde perfectio interior dignoscitur, & ad proximi ædificationem plurimum contribuunt. Hinc illachrymatus iis inter scribendum est S. P. N. qui illa utpote levioris momenti tractarent, aut tractaturi ex posteris essent,

Regula communes, sive ab omnibus æquiter observandæ extractæ plerumque quoque sunt ex Constitut. S. P. N. & cadunt sub curam Ministri domus; quia ordinem & disciplinam concernunt domesticam ab uno æquè ac ab altero observandam; & hinc etiam à tertia & quarta Cong. *communes* vocatae sunt.

Regula particulares vocantur, quæ cujuslibet concernunt officium, prout in Instituto latius videre est. Porrò siut S. P. N. harum omnium est Author primarius, ità Everardus Mercurianus Generalis Societatis Quartus in unum eas bene ordinatum corpus redegit, & ejus Successor

cessor Claudio Aquaviva operâ usus P. Mironis, qui S. P. Nostro adhuc convixerat, & singula quæque accuratè adnorârat, ultimam litem apposuit vi potestatis à Congr. quarta sibi datae.

Decreta Congr. Generalium, & Ordinationes impressæ PP. Generalium, quæ ex ipso fonte Constitutionum sunt depromptæ, & nonnihil latius, aut pro occurrente dubio clarius eas explicant, habent vim legis aut regulæ. Instructiones sunt pro directione Superiorum, & hæc omnia in Instituto Societatis impresso praeter Bullas Pontificum, compendium privilegiorum. & libellum exercitiorum S. P. N. continentur. Responsa Romana in scripto extantia, & nondum impressa habent vim legis vel directionis, prout Præpositus Generalis declarat. Jam quod circa hæc omnia concernit

Punctum quartum, quintum & decimum in ratione conscientiæ explicandum. An scilicet firmum quis contra constitutiones, regulas, ordinationes Superiorum habuerit judicium, aut illi institutum Societatis, mediâque, quibus illa utitur ad suum finem consequendum, arrideant. Item an quis & quomodo tum *constitutiones, regulæ modestiae, regulas generales communes, tum particulares sui officii* observet, notanda sunt sequentia.

Primo, Hæc eo fine in punctis rationis conscientiæ apponi, ut eam excipiens conetur ex fundo noscere genium dantis rationem conscientiæ; an scilicet vocationem suam & insti-

tutum magni faciat, & bene erga id animatus sit; quia hoc supposito magna spes est eum multa præclarè facturum.

2dō, Aliud est dubitare, vacillare, an hoc illud rite constitutum sit; aliud formaliter & firmè in contrarium (unde disputatio aut tentatio contra institutum fermè procedit) judicare.

3tō, Etiam leves motus contra Constit. frequentes sint & molesti, sunt aperiendi Superiori, præsertim si sint de graduum diversitate, Societatis gubernatione, manifestatione sui in ratione conscientiæ, resignatione, ut alteri errata tua liceat Superioribus manifestare, & alii ejusmodi Societatis substantialibus, quia re ipsi ejusmodi tentationes, aut contra Institutum præjudicia, plerumque oriuntur vel ex Institutu ignorantia, vel falsis imaginationibus, aut aliorum persuasionibus; & quando illa Superiori aperiuntur, omnis teta dissipatur nubes. Advertere autem debet ejusmodi motibus infestatus, an sub initium ingressæ Societatis, vel quando, an pridem, & quâ occasione iis agitari cuperit, & an unquam cum Superiore aut Viro experto ac spirituali sua dubia communicauit.

4tō, Ante rationem conscientiæ dandan oportet tum regulas ac constitutiones in genere tum sui officii particulares mente non nihil per currere. Dein disquirendum, quas regula quis sacerpùs violarit, & an deliberato animo,

cui

cum contemptu. Demum circa quas majorem difficultatem experiatur.

stò, *Quod zelum animarum attinet, facienda est differentia inter eum, qui necdum, & qui jam tum circa proximum occupatus est. Prior examinandus est, an in se sentiat proximi juvandi desiderium, eò sua studia dirigat, & occasione datâ pro modulo suo domi apud confratres, foris apud alios zelum genuinum exercere conetur, & jam patatus sit, ad animas Christo lucrifaciendas, suo tempore pati contradictiones, contemptum, ludibria, paupertem, quævis incommoda, quin & mortem; talia generosa sensa juvenibus instillanda.*

Posterior excutiendus est, an, dum actu ratione officii operi Apostolico insudat, & ostendere debet se in animabus juvandis esse verum commilitonem & socium D. N. J. C. ejusdem Salvatoris D. N. vestigiis insistat, & reverâ nihil quærat, nisi Dei gloriam, & animarum salutem; imò ipse hunc in finem, ne tot coronis æternis excidat, sæpiùs se debet recolligere & examinare, an reverâ has, illas excursiones, conversationes, alloquia sive domi, sive foris instituat, ardua etiam agat ac patiatur propter commodum temporale, famam, gloriam, aut sensualitatem aliquam, vel purè ex amore Dei & proximi. Felix, qui hoc ultimum coram Superiore suo, dum ei rationem dat conscientiæ, & coram Deo, qui non irridetur, contesteri potest in particulari & universali iudicio.

Videndum præterea est, an quis sub prætextu infirmitatis, impotentiæ, &c. minùs in obsequio animarum præstet, quām præstare posset. Triplex etenim hominum genus est: alii qui volunt, & non possunt, alii possunt, & non volunt, alii & volunt & possunt; & ut hi infinitum multiplicentur, optandum est

PUNCTUM SEXTUM & SEPTIMUM

De rebus spiritualibus.

IN puncto sexto explicatione non indigent lequentia, quantum quis temporis orationi tribuat, an vocali, an mentali potius juvetur, & quene modum in orando teneat. Sciendum tamen est, quod affectus erga res spirituales potissimum consistat in his tribus. 1. In sollicitudine, ne quid ex iis omittatur. 2. In summa rerum spiritualium præ omnibus aliis occupationibus estimatione, ut Eximius ille Suarez maluit oamnem suam scientiam perdere, quām vel quadrantem in quotidiana meditatione decurtare. 3. In ardore animi, qui totum voluntatis conatum ad res spirituales rapiat, virésque omnes applicet. Jam bene quis rebus spiritualibus affectus est, qui in his tribus nihil negligit, mediocriter, qui aliqua subinde negligit, aut negligenter tractat. *Vix* iis affectus esse dignoscuntur, qui coactus adhuc parum præstat.

Circa punctum septimum sciendum, quid propriè sit consolatio, desolatio, devotio, arida